

序

古今之書待其人而出藉非其人



有成書亦足以章世而垂遠志與文
相表裏非一人一家之書所繫甚大
而有待於人則尤重郡縣志乘或任之
不得其人往往失其輕重闕於取
舍又及詞義靡陳，相自披覽，

二則欠伸不字識者病之矣

命調守豫章甫下車輒取鄴志考閱
中多闕逸又久未修治竊思纂訂
以諸物尚有缺緝未能者方下檄趣
之而武寧之志遠成鄒令應之携
其稿來白曰意志燬于元末如家大
族經喪亂之餘文獻遺亡明初州創
成籍又僉于蒐羅歷代因之庶免
通微庶書訪求遺人軼事與邑

明任盛墓法總討編彙凡以易而於人
物一志獨專其修力亦表白義例
頗為歷三寒暑乃得告竣敢請
一言余受而讀之其山川疆域
田賦物產學校武備法有闕於政
治者靡不典核精雅而人物藝文
至如垂霞二尉尤煥然炫目嗟夫
人物之於志也重且大而治之蓋亦

亦有

著煙

魄少能起

亭亭奪念

以灰煇此

州縣志序

也然而任其事者識趨有以闡之殊
人情有愛憎之岐州縣有司志委
任於人而所任之人執筆稍公則慈
泚交興久之始而隱忍狗眾以便其
私而恠乎不濫且惡也今鄒令毅其
任之均採陰收出入甚繁一以至
公蘭費數百年之幽微得治見
於志乘大有深心余嘗竊武寧舊

志人物文章闡其無名顯疑而
必有湮佚而不得傳者及晚新乘
而後出鄙人搜剔之心良苦表
章之力甚大豈亦有待于其人哉
循是志也力於為善雖世遠猶有
傳焉若風聲所及人知忠孝
節義為可久事自濯磨不汨
於耳目不狃于私曲後生相望尉

然以興而武寧之風將自此遠矣
夫山河不改其形田賦靡有成則
可據而明也惟人物失傳則史無
所據人無所師其故非細余於
武寧志獨噴鄉令之知所務也故
詳書以授之使後人不忘所自云
時

皇清乾隆二十年乙亥夏五月望後

十月二十日

賜進士出身

誥授中憲大夫知江西南昌府事前
翰林院檢討加四級紀錄五次桂
林朱系編撰

序

邑於萬山之中靡雲而枕石陸有重岡疊
嶽之阻水有澄潭碧澗之深且潔木鐸輶
軒之使罕至鳴騶監節高牙大纛之迎送
所不經遐商巨賈不入其境象犀珠貝之
物無由而接於目民生不見外事安於畝

畝絃誦以為業重法而畏吏吏斯土者樂其俗樸而民醇優游豫暇則思洩於文教開盪濯磨以新一時之風氣又或因循已久天時人事相責而出有不遑少待者亦其勢使然也乾隆辛未應元奉

命來宰是邦縱覽山川秀逸雲表意其清淑之氣困輪磅礴縈回溢注散見於人事而不可窮及稽之邑乘則文不足徵實事不足舉遠簡陋荒穢無以獻考古之心悵然不滿於懷者久之已而諮訪其故乃知舊志成於國初天下始定二三耆舊匿而未出兵燹煨燼之餘典籍散亡儉於推考執

筆者草率成書遺漏舛謬又後先相因不
汰不潔不澤不瑩不簡括研覈不脩不純
雖名為志乘寔貽識者譏非力於澄治何
以垂後應元不敏因徧徵通志藏書故族
舊乘稽考先代遺人遺事凡殘碑斷稿及
荒塚野廟之文莫不披荆蹈險收而有之

以供資取而修治文藝悉屬之明經盛君
淘潤以出至於出入予奪應元獨持其衡
斷絕書屬不浸浮議明可對日月幽可質
鬼神炯炯此心冀成一代完書始於壬申
終於乙亥纂輯諸費皆盧上舍鎮獨任之
志成應元喟然有感曰吾嘗讀新舊唐書

矣歐宋二公一代作者其自述以為事增
於前文省於舊自今絜之二公旗幟一變
蔚然改觀其優劣豈文辭多寡間哉獨武
寧之志有難於新唐書者唐享國不及三
百年而舊史之文尚可刪訂武寧自封爵
以來文獻荒遠茫茫塵塵以逮於今蓋數

千載矣二馮舊乘不足為藉劉前任弘畧
雖奉檄興局苟且踵襲去取不嚴任屬不
一卒無定本應元與盛君往復討論為力
頗深而用心良苦一人之事一事之疑互
相揚榷稿凡屢更板經數易雖有愧於大
雅之林而網羅裒益章幽發微亦可以告

無罪於古人矣唯是山川之靈文章節義
之精光鬱積之久亘千百年而未嘗一洩
應元待罪於茲五年爾而乃成此書毋亦
明晦有時其間天人交迫有難遏抑者歟
應元何幸及此因書以為序時
乾隆歲次乙亥孟穉之吉

賜進士出身 文林郎知江西南昌府武
寧縣事錫山鄒應元撰

武寧縣志邑侯鄒公所修也歲乙亥冬亮來
視學而志造告成命亮校閱亮受而讀之其
體備其義嚴詳而有要質而不近不襲謬而
沿訛不因陋而就簡洵千古完書也昔進賢
熊公叙舊志以為文章吏治原無歧途誠哉
是言夫志乘與政教相表裏未有不見諸行
事而言之能親切有味者我侯甫下車閱舊
志荒謬慨然有意纂修特以政令方新未暇
也乃早作夜思與邑之賢士大夫講求治道
寔心寔政五載於茲矣嚴主客之稽查則窮

僻必周而山川形勝瞭如指掌也憫粒食之艱難則撫綏倍至而風土民情朗若列眉也倡義學以振文教而沐浴風雨者有所歸建忠烈祠以激厲人心而忠義正氣麗日星而不磨寓考核於宣化之中寄神明於簿書之外數年來良法羨意不一而足其作而為志被諸事者托諸言完備無憾有如此後之讀是書者益亦可以想見我侯矣侯諱應元字清源號寶松江蘇金匱縣人乾隆丙子二月武寧教諭南豐劉秉亮書

脩志職名

纂脩

南昌府武寧縣知縣 鄒應元

協脩

邑 歲 貢 生 盛大謨

校閱

南昌府武寧縣儒學教諭 劉秉亮

建昌府南豐縣舉人 劉焯

江南常州府陽湖縣學增生 吳通理

繕寫

南康府學增生 余詠

邑 儒 童 費 煌

原局姓氏

分脩

邑

舉

人

張應遴

邑

拔

貢

生

盛樂

邑

廩

膳

生

王之臣

邑

增

廣

生

盛朝麟

邑

附

學

生

余鏗

邑

附

學

生

陳鳳騰

邑

附

學

生

李斐

繕校

邑

庠

生

余必遇

陳肇曾

盛鴻畧

盛典

張一飛

負 彭鵬飛

吏

邑

武寧縣志

武寧縣知縣錫山鄒應元纂

凡例

一志首星野崇天也次以沿革山水城池疆域紀地也附
 麗城池者公署倉儲次之疆域定而水利興土產明田
 賦辨故次之代有所積而古蹟存習有所尚而風俗成
 象有所著而祥異見故又次之於以養育人才而學校
 次之文事既興而武備次之是故有以統其治者秩官
 名宦次之有以責其效者選舉人物列女次之又次以
 寓賢仙釋方技廣其旁也然後文章大備終之以藝文
 而志全焉此志例之大凡也

一舊志目次不倫如氣候應附星野門形勝應附山水門

都里津梁應附疆域門縣署雜署應歸公署門郵汎應附武備門而舊志分列混亂殊失體裁今悉訂正各從其類

一秩官名宦應分二目而舊志勞汎又寓賢應別爲一目而舊志附入秩官目內殊爲不合今訂正

一選舉人物應分二目舊志不列選舉而混稱人物又無專傳至列女仙釋應別爲二目舊志附於人物不合今訂正

一諸詩文應歸藝文一門而舊志別有歷朝文集詩集之目殊爲不合今於文分奏記序傳雜文諸種詩分古體近體二種統以藝文各有其卷以便分覽

一星野茫渺難稽志家每多幻鑿茲據留雪集訂入考核稱詳而議論頗深焉

一沿革舊志不詳今據正史路史安志白志諸書考証分合興廢著之爲表臚列世代以便稽閱

一山水竒興名勝頗足流連舊志踈簡殊覺闕寂今於其有異蹟可採及見諸詩文者畧爲點綴出之以資遊眺

一水利關繫民生舊志空載堰塘不明源流今將各鄉水道分合原委詳著於篇凡陂堰所經歷如指掌使後之脩築者知所考焉

一土產有異於他方者乃可登錄舊志所載穀糯麥粟蔬藥花草羽毛鱗介之類多屬通泛今悉汰去唯本邑獨產者入之

一田賦宋元縣志燬於兵燹馮志但取明季原額及本朝

實徵編載今無可考唯雍正間地丁合徵之條稍有變更餘悉仍舊

一古蹟舊志頗不博核又或牽援傳會今蒐集稍廣而於傳述之亂考究之訛辨論獨詳皆從留雪集訂入

一風俗以覘氣習舊無明文爰稽圖志記序及古今文集有關涉者錄之又就耳目所著增輯時俗好尚俾牧民者有所驗焉

一學校造士凡書籍書院學田皆其大者悉詳本末以明守先待後之意

一武備舊志所紀寇變始於宋元今從史傳可據者自漢以來陸續彙入稍資考述

一秩官選舉仕宦分載姓名地里而名宦人物例有列傳

原不係名位之崇卑唯視其行誼之高下所以示勸激也

一人物所繫甚重必有德行功業文章卓卓可傳者方得登載舊志於宋元既失蒐求而近代所收類多無足輕

重之人又或浮贊孝友方正通同泛語並無事實可稱今徵故家舊族遺文與名人文集紀載及旁郡仕宦流

寓灼然有實蹟者斟酌增入至近時人物予奪尤慎不敢徇私泛濫以貽識者之誚

一人物舊志濫分年勞榮遇賚典壽官耆碩諸名目殊屬乖謬今悉汰澄於選舉例自歲貢以上始得列名其不

由選舉及無科代可考凡受一命者悉歸仕宦至人物所未入或有一行足取不忍湮沒別立義行一目附後

以寓鼓勵之風

一列女舊志所收悉從其文前代有遺者據書採入而近時聞見所及多屬撫子全節除旌表外亦必輿論無憾方得編入

一寓賢仙釋舊頗簡畧謬誤今從史傳諸書搜訂詳確增益舊聞亦摭拾者所不廢也

一志編八景十景習爲惡套武寧八景內有甘羅故址尤屬荒唐無稽今悉芟攬勝者自有山川形勝古蹟各志在

一詩文舊多遺漏茲已廣搜博采凡名人著作盡行登錄以脩文獻之徵

一舊志詩文多不雅潔難以垂遠中有鄙穢甚無關係者汰之其他或就故文稍爲脩飾免滋荒蕪

一雜記先後無倫次而所收甚富凡遺人遺事遺蹟皆得脩載以供博取爲一乘之殿

武寧縣志

卷首

序

卷之一

星野

附氣候

卷之二

沿革

卷之三

山水

附形勝

卷之四

城池

公署

倉儲

卷之五



疆域

附 都里

津梁

卷之六

水利

附 塘堰

卷之七

土產

卷之八

田賦

附 戶口

卷之九

古蹟

卷之十

風俗

祥異

卷之十一

學校

書目

義學

學田

卷之十二

武備

附 郵汎

卷之十三

封爵

卷之十四

秩官

卷之十五

名宦

卷之十六

選舉

附 仕宦

貶封

鄉飲

卷之十七

人物 附義行

卷之十八

列女

卷之十九

寓賢

卷之二十

仙釋 方技

卷之二十一

祠墓 寺觀

卷之二十二

藝文 奏疏 記

卷之二十三

藝文 記

卷之二十四

藝文 記

卷之二十五

藝文 序

卷之二十六

藝文 傳

卷之二十七

藝文 雜文

卷之二十八

藝文 詩古體

卷之二十九

藝文 詩近體

卷之三十

雜記



卷之二十四
卷之二十五
卷之二十六
卷之二十七
卷之二十八
卷之二十九

繪

圖

縣署圖







城池圖




圖


四






水利圖










新麓坪



枯槎溪



九




觀風山



紫鹿嶺圖




四望山圖



龍潭清影


四望山



明月亭



朱家山圖




自後墻直至頭門止壹拾伍丈

正堂身二八

此止拾伍丈

義學圖



基

十四

武寧縣志卷一之一

星野

古者觀象敬天垂則辨土分星保章是職句吳舊區維斗所直寧隸於洪與楚相入度涉南魁旁詹軫翼助爵慶行

千羽耀德

盛世階平靡虧靡旻雲漢昭回祥景熙翕深谷遐陬罔弗協極人文聿興用光南國志星野

星經南斗牽牛吳越之分為揚州翼軫楚之分為荊州熒惑

主霍山揚州荊州玉衡第四星主荊州其第六星主揚州

春秋元命苞牽牛流為揚州分為越國軫星散為荊州

運斗樞北斗第四星曰權第五星曰衡



文耀鉤蒙山以東至南江會稽徐揚之州屬權星大別以東至九江荊州屬衡星

論語撻輔象交豫屬上台荆揚屬下級

史記天官書斗江湖牽牛婺女揚州翼軫荊州吳楚之疆候在熒惑占於烏衡

漢書地理志吳地斗分野也今之會稽九江丹陽豫章諸郡盡吳分也楚地軫翼之分野也今之江夏武陵長沙諸郡盡楚分也

律歷志星紀初斗十二度終婺女七度鶉尾初張十八度終軫十一度

晉天文志自南斗十二度至須女七度為星紀于辰在丑吳越分野自張十七度至軫十一度為鶉尾於辰在巳楚之

分野又曰九江入斗一度豫章入斗十度江夏入翼十二度長沙入軫十六度

唐天文志斗牽牛星紀也初南斗九度餘千四十二秒十二太中斗二十四度終女四度翼軫鶉尾也初張十五度餘千七百九十五秒二十二太中翼十二度終軫九度

宋中興志北方七宿其精元武斗有龜蛇蟠結之象

宋史天文志北斗七星二曰璇其分為楚四曰權其分為吳三台六星兩兩而居西近文昌二星曰上台上台下星主荆揚天市垣東蕃十一星第六曰吳越西蕃十一星

第二曰楚

元史歷志黃道十二次宿度斗三度七十七分入星紀之次女二度六分入元枵之次張十五度二十六分入鶉尾之

次軫十度七分入壽星之次

淮南天文訓天有九野東北曰變天其星箕斗牽牛北方面曰

玄天其星須女虛危營室東南曰陽天其星張翼軫星部

地名斗牽牛越須女吳翼軫楚

月令章句自張十二度至軫六度謂之鶉尾之次楚之分野

自斗六度至須女二度謂之星紀之次越之分野

星歷南斗之十度屬豫章軫之十一度屬武昌

通典揚州管斗吳之分野兼得楚及南越之交

廣雅布度定紀布州繫象徐揚屬權星荆屬衡星

辰次圖南斗十度吳之頭也軫十度楚之尾也

文獻通考熒惑之精散為昭旦虫尤之旗亦為昭明司危天

機赤婁

天文秘訣星紀初斗十一度外末女七度內於分為吳越九

江入牛五度豫章入斗十度

續豫章記豫章之地春秋時為楚之東境據天文則吳之分

野

分野圖說斗六星二十五度吳之分野南昌入斗八度南康

入斗四度九江入牛五度

按唐虞授時齊政不言土野禹貢任土分州不及天星

分野之說見於經者周禮保章氏以星土辨九州之地

所封封域皆有分星以觀妖祥而亦不言星之所屬自

時厥後散見於左傳國語者如參為晉星商主大火歲

之所在則我周分野之類其義頗著巫咸甘石分度列

次號為三家象緯之學所由起也張衡費直各有論述

譙周陳卓自命專家唐僧一行元郭守敬後先發明以秒乘分以分乘度其法益密然皆出彼入此抵牾不合顧嘗論之天無私覆地無私載二十八舍躔度周天則凡有土之處皆星所照臨雖雕題窮髮之區亦應有分星可紀何以十二辰次盡入禹貢九州之域豈上天垂象專為海內萬里而設耶此亦千古不拔之疑矣既以九野配九州復以十二次分隸十二國如星紀為吳鶉尾為楚秩然不紊宜若可徵者然古稱萬國三代封爵無慮數千此十二國者皆王政之衰兼并之餘耳假令齊楚燕秦各守舊封諸星辰次何所附麗晉室未分大梁一舍豈宜虛設各次分土道里宜均何以鶉首廣而鶉火隘吳越同分史墨謂越得歲而吳代之不祥其言亦驗是皆理之不可推者至若星紀北宿吳越南邦邈不相直賈公彥乃以受封之日歲星所在為解其惑滋甚吳越始封地皆不滿百里焉得獨當一次周封諸侯千八百國同日封者不知凡幾又豈能合東西朔南於一次乎唯一行謂星之與土以氣相屬不繫方隅為說較優而其相屬之故究亦惝怳難言蓋自鄭康成時古分星之書已亡保章所職已無可攷九野十二次人自為說家自為書而星學愈殺矣豫章一郡地兼荆揚星家則端屬之吳為斗分野而一行書謂南斗在雲漢下流當淮海間為吳分牽牛去南河寢遠故自豫章達會稽為越分則又以豫章屬越與古封域不合且星家亦未有以豫章入牛度者一行雲漢升降之篇分布兩戒

四維帝壺八舍於以界畫南北紀綱州郡較若列眉由漢而來分野之密無能出其右者猶不免乖戾若此他如淳風之紕譌子充之踈漏又何論焉勝國天文家以西學爲最章世純圖歌亦本西術而利瑪竇河漢分星圖復與一行守敬大有逕庭今之靈臺司天者實宗其法世稱其精遠遠過前人然積星爲漢之說儒者弗取其源蓋不可得而聞獨夾滌鄭氏曰天之所覆者廣海內所占牛女下十二國耳言極簡要可靖諸家之穿鑿紛紜而馬端臨又以北斗七星自張至角五車五星次舍在畢其所主占亦即此十二國不得謂牛女專屬華夏力詆鄭說之非竊獨以爲星有定位國無常土北斗五車及牛女下十二星天市垣東西二十二星分主諸國皆後人強爲配合原非天星應得之分亦非保章分星之古法矣大率斗牛女夕見於南方故斗宿亦謂之南斗即不必統屬華夏而江河以南內外萬里占此數宿差爲近之南贍部州之名固不足徵天有九野牛女爲北方之宿又可盡據乎必謂海內九州遂得分據天星全度其言雖驗終非敢信武寧爲邑從衡不及二百里其於大地曾不異秦華之一石以分星計之直得三百六十度之秒數爲斗爲軫皆可不論然而星見大辰驗宋鄭之火歲淫元枵知楚國之喪星野之義所從來者遠未可廢而不舉也故復詮次舊葺附以渺說用脩叅攷天道遠而人事邇修人事者不泥天象大雅君子或有取焉

自星紀至析木謂之十二次一次當得三十度三十分之十四以合周天之數乃諸家分次或盈或縮靡所折衷今以星紀一次覈之有起斗三度至女二度者有起斗九度至女四度者漢志初斗十一度晉志初斗十二度竝末女七度其間遠近多寡既不相謀而州郡所入之度更自懸絕晉志稱豫章入斗十度九江入斗一度南昌屬豫章郡故通志府志皆以南昌為斗十度武寧舊志則以邑隸南昌亦從入斗十度之文考星野圖說既云南昌入斗八度而南懷仁又云豫章入斗七度諸家多言九江入牛五度劉基又言九江南康同居斗二十度而入斗一度者為江寧揚州二郡且以晉志星紀起斗十二度豫章入斗十度言之則豫章當在析木之

津不得入星紀之次矣入度參差乃至於此豈今昔異宜諸家各有所授耶抑天事杳渺數積端更雖有章亥之步終難定其指歸耶武寧為南昌屬縣地勢實交錯於楚去郡三百里而遙東界南康之建昌九江之瑞昌以入度深淺論南昌九江相去不能三百里一在斗十度一在斗一度中間已隔八度若九江入牛五度則隔二十度乘以疆域一度僅準十餘里雖盡周髀之數不能當一州之分矣又謂廬江入斗六度以九江一度準之則星度自南之北而南昌居十度則又自北之南一家之言格籟如此安所適從且如瑞屬九江當入斗一度建隸南康當入斗四度武寧亦安得越此二邑而與南昌同居十度瑞昌縣志云瑞昌楚之尾也接壤武昌

星歷辰次宜為軫不為斗蓋以九江地勢應入荊州分星從楚未為無說星野之分自當以九州為正後世郡縣或割彼附此或犬牙相入豈能強已定之星宿而主無定之疆域乎攷之圖經寧地於古為艾西北有艾城漢置艾縣春秋時吳公子慶忌出居於艾遂以為地在吳分括地志云艾在今蘓州則非寧之艾城矣艾城去吳郡幾二千里恐無公子出居之事或者古有二艾志地家因而傳會其說耳史記吳伐楚取番正義云即今鄱陽縣楚之東境是時番尚屬楚何有於寧稽左氏傳魯定公時吳始強盛侵并楚東諸邑不數十年而入於越是豫章之地其為吳有者僅數十年豈星次分野恰在此數十年中而遂執為吳分乎周之末季吳越與楚

互相吞噬吳歛楚地越又滅吳楚復并之江西郡縣為吳為越為楚若易基然以十二次配十二國其定為屬吳屬楚者不知以何者為據以始封為率耶則吳楚皆子爵五十里之國耳分星不應若是之多以春秋戰國時為限耶則豫章一郡朝吳莫楚地與時遷欲使星隨地徙蓋亦難矣又古豫章非今之南昌左傳楚伐吳師於豫章又吳人舍舟於淮汭自豫章與楚夾漢杜注云豫章漢東江北地南昌之為豫章至漢分郡時始得名其地則吳楚之交不得統屬於吳也至於九州分域禹貢但言淮海為揚州後人謂吳越為揚州之域亦指舊封而言而六緯家則稱自蒙山以東至南江會稽為揚州自大別山以東至雷澤九江為荊州皆本山川脈絡

以分疆域其言為有依據武寧在大別之東九江之西
 太平諸山勢趨彭蠡與南康九江相屬其為荊州之分
 審矣特以久隸南昌言星野者皆統於郡不能復有異
 同今詳考星經圖說皆以斗牛屬南昌九江軫翼屬江
 夏謹錄其有關於荆揚之占者並著於篇若乃分星於
 度分度於秒以求必合雖有精甘石之術者亦難言焉
 欲以一管之窺而肆騶生之譚其誰敢任之

附占驗

星經玉衡第四星主荊州常以五卯日候之癸卯為長沙丁
 卯為武陵第六星主揚州常以五巳日候之乙巳為豫章
 癸巳為九江

象緯通考斗六星二十五度天廟也亦曰天機五星貫中日

月正道為丞相太宰之位酌政事之宜主褒進賢良稟授
 爵祿亦主兵

牛六星七度天之關梁日月五星之中道主道路關津亦
 主犧牲

翼二十二星十九度主三公化道文籍為天之樂府主禮
 樂及遠夷賓客之事

軫四星十七度主冢宰輔臣車騎載任

靈臺秘苑斗南二星魁天梁也中央二星天相也北二星天
 府廷也亦為壽命之期星盛明君臣一心天下和平爵祿
 行暗小則廢宰相日月五星逆行入斗凶孛犯之兵起

牛上二星主道路次二星主關梁次二星主南夷中一星
 主牛星明大則王道昌年穀成熟其星曲則糴貴不明失

常則牛賤中星移上下牛多死小星立牛多疫金火犯之災水土守之吉

分星攷翼為禮樂之官干羽玉帛麗焉星大明則禮修樂備上下雍穆四夷來賓動則遠使至星暗則政教失宮商乖金火守之為有兵

軫為車騎亦司樂府歌舞之事星明盛天下昌萬民康四海歸王動則車騎用五星犯之人民失業盜賊起

晉書農丈人星在南斗南主農正之官明則豐稔暗則荒歉隋天文志天淵十星在南斗南主灌溉隴畝星明為有年金水守之為水災火守之大旱土司空四星一曰司徒居翼軫之間主界域及土功金火犯之民廢耕織

天文志翼軫間有十餘星曰天市星明則米價必平

宋兩朝志北斗六星曰建天之都闕也七曜之道主建為謀事其星動搖則人多勞天弁九星在建星北占列肆闌闡若市籍之事明盛則吉彗星犯之糴貴織女三星在天紀東端天女也司果蓏絲綿織紝其星怒生芒角布帛貴三星齊明女紅善暗而微機杼不修軫南三十二星曰器府主樂器星明則樂律調

通志天文畧熒惑南方夏火禮也視也禮虧視失逆夏令傷火氣罰見熒惑

七政占候熒惑主楚吳越以南又主大鴻臚司空司馬又為理外則理兵內則理政其出色赤逆行成句巳齒芒大則人民怨

渾天儀說熒惑為執法之官其精為風伯之師

晉書五星盈縮失位其精降於地為人熒惑降為兒童歌謠嬉戲

中興天文志五星循軌順行天下乂寧年穀順成犯鬪變色為灾為兵吉凶之應太白為甚熒惑為尤甚蓋熒惑火也性烈而不常又為執法之官故其效尤亟也

象林北斗第四星曰權為伐星是主天理行法渙號順時紀綱第五星曰衡為殺星助殺無道廢雅聽淫天用譴告

星統三台為天階太一躡以上下一曰泰階色齊明而行列相類則君臣和法令平不齊為乖度

按十輝之法著於周禮而書雲望氣代日加詳左氏好言祲祥其所叙星辰占候如裨竈梓慎之所推測皆效若影響豈盡足徵與太史公曰吳楚之疆候在熒惑而

上台下星荆揚同占斗本吳分杜佑以為兼得楚及南越之交然則荆揚吳楚地氣不異占候亦大畧相同與豫章地交吳楚武寧則於楚尤密占星者惟斗是稽安見其必效乎考晉隆安四年太陰犯牽牛是歲豫章大水則豫章之占又驗於牛義熙二年熒惑犯南斗第五星其年司馬國璠攻沒弋陽史氏以為星變之驗弋陽地屬越分於宿直牛而斗又應之歷家距度斗止南魁其第五星則入於箕箕乃幽燕之分其應反在越何也隋大業三年熒惑逆行入南斗其後楊元感反東南羣盜並起占曰斗牛楚越分野元感父素初封越後徙封楚故星象應之楚越同占斗度既與分次不合且素之封越封楚直虛號耳要皆未嘗之國何足上感天星而

史氏所紀星應如素類者不一而足象緯家巧為附會
 畧不求其理之所安胥視此矣大抵熒惑斗牛為南方
 之占荆揚所屬各以類應如必界某度為某邑之分指
 某星為某州之驗是亦刻舟而求劍也武寧僻處叢山
 灾祥不見於史冊郡邑志所錄皆吳分之統占其所端
 應蓋不可得而言故於斗牛諸宿位所主休咎取其切
 於人事者畧舉端緒以示敬天勤民之意而歷代雲祥
 星變具在國史無關井邑者皆不錄

附
 氣候

星野有遠近則四時之氣有遲速武寧處豫章西北四山盤
 結勢趨彭蠡氣候較江南平原為異歲多風春東風雨夏
 北風雨秋西風雨冬東風則雪夏蛟出則雹四月後梅雨
 鬱蒸尚宜重綿五六月驟雨時行秋初熱尤甚多防旱八
 九月嵐氣多人易患瘡冬冰不堅諸種宜豫秋社下麥春
 社下稼麥遲則凌寒稼遲則苦旱亦地多高亢使然也俗
 傳春盡有黃丹瘴則損麥夏盡有乾風起則損稼日出而
 雨則生蟲春秋二仲多陰翳謂之弄寒弄暖

馮志氣候論

記曰廣谷大川異制民生其間異俗大江以南五嶺之
 北吳楚地數千里氣候寒燠不甚相遠武寧當吳楚之
 交其山高以密其水冽而駛無平原廣野深淵大湖足
 以舒洩地氣故鬱蒸徽濕視他處為重春分土膏上騰
 磚礧皆潤立夏後尤甚衣笥書畫經旬不見日則多澆
 壞秋分前後遇陰雨亦然謂之秋徽而春夏徽氣近地
 為甚秋徽雖重樓不免蓋地氣升降使然也山氣磅礴

好作霧春霧晴夏霧雨秋霧陰晦冬霧則雪降亦云霧
 早散則晴遲散則雨三月九月寒煖不時或晨衣重綿
 午宜單袂五六月間山中雨多於平阪謂之沿山雨大
 約四時寒熱頗均無亢厲痺瘴之患夏多雨冬多晴故
 稼不憂旱而人不苦寒草木花葉應時而發三冬晴煖
 桃李重放不為異然其土植牡丹甚繁盛茉莉素馨稍
 失調護輒凍痿故其候於中州為近與嶺嶠懸殊此其
 大較也

一邑之中氣候亦復不同西南布種較遲東北刈穫最
 早濂村桑溪絕巘危峰皆可種稻喜旱而惡霖十月盡
 始穫而其地不宜麩麥遼峯之西有田一頃湯泉所灌
 登收乃在小暑前巾口以下土猶蒸濕最苦蚊蚋與淮
 揚等而太平九宮諸深山夏月無蚊不施帳幔三伏亦
 可挾纊嚴陽山有石鑊泉擊其水則大雨立至魯溪洞
 每遇夏月久旱溪水涸竭則洞中洪濤驟發溢涌而出
 不知其水之所自土人稱為洗洞水蓋深山大澤地氣
 不齊蓄洩互異有如此者至於山雲有斷續之占俗云山雲
連則雨斷則晴灘聲有靜躁之異瀕河居民常以半夜灘聲卜
平則雨中穠無月則漁家喜諺云中穠無月魚蝦易得仲夏朔陰則田
 老憂田家以五月朔為禾生辰是日不宜陰晦居巢者知風處穴者知雨其
 言雖不雅馴而剛柔異齊寒煖異候亦采風志地者所
 務白也故採其異於他處與舊志所未備者附於星象
 之末俾居民材者知所先後焉

武寧縣志卷之二

武寧縣知縣錫山鄒應元纂

沿革

豫寧與壤山林之腹荒荒艾侯奠茲南服灌莽是都雲峯攸族朝代榛遐圖志罔續越在漢史輿地斯錄世脩厥緒炯如列燭柳阜蔚藍修水淨綠海昏艾城時劉時屬毗連荆吳乘沿刺促分部紀疆用資檢覆作沿革表

紀年

州

郡

縣

商 夏 虞

揚州

艾侯

按路史國名紀載艾商侯爵穆

周

元王
元年

吳

元王
三年

越
是年越滅吳
盡有吳地遂

屬越

艾

說無所稽
寧為艾子國其
於商舊志載武
屬艾以族而始
寧從路史所訂
有艾城今在武
艾縣隋入建昌
昂有艾侯吳有

艾

按左傳吳公子
慶忌出居於艾
遂適楚杜預注
艾縣表豫章有
艾為蘓州誤注

艾

按史記諸侯王
年表高祖封吳
王淮南王時豫
章郡有艾邑故

秦

始皇

顯王
三十五年

楚

是年越伐楚
楚人敗之盡
取吳故地豫
章地悉屬楚
按史記越世
家楚破越在
顯王四十六
年與通鑑互

九江郡

始皇本紀二十
三年王翦滅荆
虜荆王負芻分
天下為三十六
郡九江其一也

艾

漢

高帝
五年

九江郡

按白志引漢書
頽陰侯灌嬰渡

艾

高祖六年淮南

豫章 江定豫章然史 記高帝五年使 入九江得數 縣此時尚沿九 江舊名

艾

高祖十二年淮南

豫章郡 高祖封皇太子 長為淮南王兄 子濞為吳王二 國盡有揚州之 地時豫章統縣 十八 南昌廬陵彭澤 鄱陽歷陵餘干

艾

按舊志載高祖六年史記高祖吳攷一史記高祖英布反次年春十月辛丑誅

按唐志武寧分 自建昌而建昌 原割艾與海昏 之地所置是武 寧此時當在二 縣間故並列於

海昏 按唐志武寧分 自建昌而建昌 原割艾與海昏 之地所置是武 寧此時當在二 縣間故並列於

景帝七年淮南

豫章郡 是年始置豫章 郡按史記高帝 封英布為淮南 王之已有傳載 帝七年而始置 郡蓋高帝時但 郡之高

艾

布始封皇子 濞為吳王 太子長為淮 南王二國盡 有揚州之地 舊志以英布 分封之英布 吳固屬孟浪 而安志載十 一年吳王就 封南 亦未免踈於 檢閱也

柴桑艾新淦 南城建宜春 雩都鄒陽南 安平贛陽海 昏

表而分合源流 之故得以覽焉

武封帝
元五年

楊州部刺史

五年武帝元封
史武帝元封
部刺史治丹
陽九江豫章
廬江會稽一
郡又六安一
國

新莽

豫章郡

祖十一年英布
反景帝七年吳
王濞又反周亞
夫平吳後乃置
郡以治之亦衆
建諸侯之遺意
也豫章建郡當
以景帝七年為
始

艾海昏

治瀚
宜生

漢地理志新莽
改為為治瀚海
昏為宜生

光武

獻帝
建安四年

吳

孫權割據

豫章郡

艾海昏

漢書地理志光
武復邑名如故

西安縣

職方乘孫權分
海昏建昌地立
西安縣為武寧
寧州所自如

西平縣

按豫章者舊記
鄧通西平人舊
志載西安人然
漢書地志無西
平之名而者舊
志又未可盡非

晉

太康元年

豫章郡

晉志時豫章統
縣十六
南昌海昏新淦
建城望蔡永脩
建昌吳平彭澤
艾昌康樂豐鍾
新吳宜豐鍾陵
豫章

豫章

永脩

附於漢末亦傳
疑之意云耳

二百九十九字

東晉

宋

江州部

江州

豫章郡

宋書豫章統縣
十二
南昌新淦艾
建城建昌望蔡
沿革

豫章

永脩

豫章

永脩

縣以修水為名
隋省入建昌唐
析建昌置武寧
縣而永脩不復
分則永脩當屬
武寧故永脩並
列於表永脩屬
靖安以靖安屬
靖安甚遠與置
脩水甚遠與置
縣名義不符且
地自艾分必與
海昏豫章相錯
安志殊誤

領艾又雅存稱寧入寧封宋謝書晉通按為是年改西
艾縣按君兩未豫或王永嘉九豫然晉書二
晉分豫名勝志漢
置郡郡志所
永脩

齊

江州部

豫章郡

新吳永修吳平
康樂豫章豐城
統縣如宋

豫章

陳

江州部

豫寧郡

陳書是年郡統
縣五
艾永脩新吳
建昌豫章
太平寰宇記陳
永定三年于豫
寧縣立豫寧郡

永修

豫章

隋

開皇九年

洪州部總管府

通考是年華豫
章郡置總管府

建昌縣

一統志是年省
永修豫章新吳
艾四縣入建昌

煬帝大業

豫章郡

建昌縣

唐

長安四年

洪州

豫章郡

通考是年華總
管府復以洪州
為豫章
統縣四
豫章
豐城
建城
建昌

武寧縣

唐書是年析建
昌置武寧武寧
縣名始此

景雲元年

豫寧縣

唐書是年改武
寧為豫寧縣治
在今新縣

肅宗寶應元年

章郡

唐書是年改豫
章郡為章郡

武寧縣

唐書是年避代
宗諱復豫寧為

三年

德宗貞元六年

武寧縣

分武寧西八鄉
為分寧縣見唐
觀茶使李巽奏
疏按舊志載貞元
十五年分分寧
而一統志十五
年觀察使李巽
奏請十六年二
月以常洲亥市
置分寧十五年
分寧尚未建治
舊志失核

南唐

洪州鎮南軍

武寧縣

領縣七
南昌豐城建昌
奉新靖安分寧
武寧

周

顯德六年

南都

領縣如故

武寧縣

宋

江南西路

洪州鎮南軍

武寧縣

領縣八
南昌豐城奉新
靖安新建進賢
武寧寧縣

元

隆興元年

江西行中書省隆興總管府

武寧縣

領縣八
南昌新昌豐城
進賢奉新靖安
分寧武寧

龍興總管府

武寧縣

元史是年改隆興為龍興隸縣如故

至元二十一年

江西行中書省寧州

武寧縣

三年

大德五年

明 太祖 壬寅

太祖 癸卯

元史是年于武寧置寧州領武寧分寧二縣

龍興路 元史大德間以分寧縣為寧州武寧直隸龍興路

明史壬寅正月改龍興路為洪都府 領縣七 南昌新建豐城進賢奉新靖安武寧 寧州隸行中書省

武寧縣

武寧縣

武寧縣

洪武三年

江西都衛

與行中書省全治明史洪武三年十二月置江西都衛

南昌府

明史改龍興路為南昌府寧州為寧縣併隸南昌領縣八 南昌新建豐城進賢奉新靖安武寧

明史是年改洪都為南昌府隸縣如故

武寧縣

洪武八年

指揮使司

改都衛為指揮使司

南昌府

隸縣如故

武寧縣

洪武九年

江西布政使司

明史是歲六月改指揮使司為布政使司

南昌府

隸縣如故

武寧縣

沿革

八

弘治十六年 江西布政使司南昌府

是年升寧縣為寧州併隸南昌府

武寧縣

皇清因之領九鄉編戶三坊五十一里

按武寧縣昉於唐而茅土之分則始於艾艾虞夏間無明文不可攷商穆鼎有艾侯羅長源路史謂艾縣隋入建昌艾城在武寧長源淹博精核所稱引當不誣春秋吳公子慶忌出居於艾艾始見於經迄漢有海昏侯國海昏與艾相錯武寧分自海昏而艾踞上游其境犬牙相入故皆列於表唐長安間始置武寧縣時有武寧無寧州至貞元時乃分寧州元至元中又於武寧縣置寧州而武寧分寧屬焉明洪武初省武寧縣之寧州而以

分寧為寧縣自是縣與州遂分不復合其建縣之名若西安若豫寧若豫章若永修時有改易然縱橫上下或贏或縮要皆武寧所治之境舊志証據稍約條縷未具難於校閱今依太史公年表以正史為經而緯以水經地志諸書逐代臚析紀其廢興俾後之覽者得以詳焉

武寧縣志卷之三

武寧縣知縣錫山鄒應元纂

山水

元黃既剖流峙茫然百昌攸託以植以潛聿昭地利用畫
 疆埏豫章壯邑雄峙西偏太平陸鎮三碕水關飛泉垂綬
 羣峯挿天實產瑰特亦萃真仙靈巖詭石其象萬千厥美
 弗耀扃鑰維堅圖經載啓名勝永宣志山水

太平山縣西北八十里由劍谷鍾鼎旁登山羊腸鳥道二十
 里至三仙坡又二十里至太平宮章真人煉丹處旁有鶴

山龜山葫蘆石極高亭雲旗峯前有龍井枯槎溪雲關又
 有豹齒石北極山石船龍門孟姥潭獅子巖石人洞諸勝

元揭傒斯遊此有二十二詠見藝文

鍾鼎山縣西四十里太平山麓相傳呂岳遊仙於此有丹崖

石室宋敕建玉清宮華蓋覆之旁有黃漚洞流月池磊思

潭釀泉皆奇勝文人多吟咏

九宮山縣西北一百六十里相傳九龍降池中名九宮又云

晉安王兄弟九人嘗造九宮於山宋張道清脩真處山跨

吳楚其陽隸武寧陰隸通山田食仰於寧其中有飛泉如

雪溫泉如湯又有三峯撥雲峯龍湫陶姚洞怪松坡試劍

石眠雲石諸名蹟謝枋得有詩見藝文

按九宮山脊分水為吳楚界通志載九宮屬武寧其陰

隸湖廣通山縣則宮基本在武寧今通山妄鑿界於宮

下殊亂故疆

神童山縣北十里宋周天驥讀書於此舉神童舊建有神童

祠

玉枕山縣北二百八十步其狀如枕為縣治倚負山上舊有

喜雨亭

印山縣治後舊為民侵知縣林孟機清出

帽山縣治西百步盛文郁脫帽處見古蹟

伊山縣西北三十里世傳伊洞湫水泛一卵出大如盃為逸

叟所得後竟成龍所謂伊洞龍湫是也事見雜記山產茶

與木瓜

七里山縣西門外峻壁瞰江岌業聳踞巘嶮七里上下隔絕

宋邑進士李宗道關徑山腰以通往來其磴蜿蟺高懸遠

望如線行人危栗弘治間義俠盛如江子璟壘鑿石山下

夷廣可容車馬至今便之

四望山縣西五百步其巔周望四面山水市井煙火歷歷指顧間為一邑憑眺勝地宋李綱安撫江西嘗憇其上立亭曰四望亭

少白山縣西半里四望山之陰山列屏帳其上尤可遠眺溪巒翠繞城郭廬市繽紛如畫

法昌山縣西龍潭上宋黃山谷嘗維舟其下見山谷集

獅子山縣東三里有崖怪峭為一邑關鎖見獅崖

鳳翅山縣東五里狀如鳳飛下瞰脩水

天柱山縣東四十里孤峯入雲巍然天半

石鏡山縣東北三十里石壁平立晶瑩如鏡對之鬚眉畢見石離其壁輒不明故不為人所取山旁有古梧圍廣數丈

又青牛洞陰有石卧山亦明如鏡

大崙山縣南十里有盧仙姑菴

雙嶠山縣東北三十里其磴委折盤雲上有雙峯並峙靉靄

浮翠麓北怪石離立如門為豫寧後庭鎖鑰

遼東山縣東三十里丁令威化鶴遼東即此山也所居有精

靈觀別傳為冀北遼東者誤

柳山縣南三十里孤峯秀出唐柳渾隱此後人以之名山上
有石井湧翠亭書院祠堂又有石門門壁刻詩山腰有觀
音閣龍巖佛巖其陰有讀書臺見記

嚴陽山縣南四十里出入三峽巉崖怪石棧道相通世傳嚴
陽尊者善信結菴於此庵側有泉二泓自石中出如鑊尊
者常奉龍於此旱可禱雨

澄明山縣西南四十里山瑩瑩如澄自柳山讀書臺望之絕
佳又曰澄芳上產異草風雨澄之益滋芬芳舊志載陳坊
山云以居人姓得名

五鳳山縣西二十里自太平脉絡聯蟬而出五山並立如鳳
為豫邑右翼僧元印建寺有記

魯溪山縣東北七十里山枕魯溪有石竇可入深邃奇怪見
魯溪巖

香葉山縣西百里其山平坦多產香薷一名香薷山
霧山縣西南五十里俗曰婺山

天馬山縣北山高倚雲若天馬騰空

警山縣東北六十里如雙髻挽雲翠黛蟠空
遼山縣西北八十里巍然聳立雄據上游為邑巨鎮

劍山縣西鍾鼎旁諸山如屏劍鋒鋌奪目中衍為谷富梅竹
曰劍谷中有雲巢溪自石羊洞出曰劍水熊太史有詩我
來劍谷源芙蓉結山郭白雲養其銳時亦露廉鐔邑人余
騰蛟有劍山歌並見藝文

橫堂山縣西南八十里有翠雲寺寺陰有桑釜泉可通僧厨
又有幽磬玄鐘鞍岨燕巖疊蓮巖孝烈坡諸勝蹟

東山縣西南八十里山多怪石有香爐崖畫眉崖尤佳
大孤山縣西南百四十里孤高險絕又曰大蕪塘深蕪與僻
中多奇木怪獸界聯靖安

石門山縣西南百二十里崖石砒砒聚峽如門溪自門出多
魚曰山首魚喜藏石隙門若橋覆廣丈許循溪可入

金雞山縣東安樂鄉山上有石望之如鷄

武陵山縣東南六十里奇勝如桃源詳見崖類

重巖山縣東北四十里重巖險阻人跡罕到

石鐘山縣西南有石如鐘擲石輒鳴

朱家山縣南一百里接靖安縣界山路崎嶇旁有溪澗不任

車馬武穆王岳飛斬趙萬於此

半山縣南五十里有棧道危壓懸崖下臨不測險如蜀道

大堯山縣南百餘里毗連曰南山山色明麗中有石巖溫泉

見巖泉類

白崖山縣南九十里孤峯嶄然如懸白練內有風洞洞口塵

氛如掃人不能立

篁山縣東南瓜源其山多竹從白石關入山有淨明堂逸人

李致菴藏書萬卷於此

雪仙山瓜源內山上有西瓜寺東崖上人說法於此嘗踏雪

下山携四侍者行吟步武不亂人望之如仙舊名曰鳴鳳

山

鳳陽山縣東南百里有仙崖異蹟見崖類

飛洞山縣東南四十里世傳盧仙姑飛昇其上有遺鞋石跡

馬首山縣東三十里昂首江岸俯矚脩水有臨流欲渡之勢

書堂山縣東四十里世傳唐張寧隱居於此

三卷山縣南三十里山最高其徑如羊腸曲卷

武安山縣東二十五里元邑人胡紹遠屯兵保障寨城遺跡

尚存

南臯山縣東二十里循曲磴上有仙姑庵崖石巉刻可遠望

諸山環列襟前舊志載下有二塔有古祠

馬山順義鄉綿亘七里澗鳴壁峭上甃石亭有小瀑布有溪
曰桑溪中多沃壤又有南巖菖蒲嶺桃樹嶺諸勝

三山縣東五十里邑人邢以忠有三山堂記

梅崖山縣東八十里山最高峻

鷄籠山縣北二十里上有仙人飛劍遺蹟舊爲禱雨之處

雲蓋山安樂鄉宋岳武穆追賊過此祀於山之龍興寺

磧溪山縣北山多石入山六七里許有古墓俗傳甘羅葬此

虎頭山昇仁鄉中村武寧興國之界

楊新山縣北一百里其山高天抵興國州

天尊山昇仁鄉山勢岌嶮氣象尊嚴端鎮一方如北極然

白雲山長樂鄉上有黎博菴手書講經臺三大字其麓爲龍
棲寺有沆瀣泉洗心橋

鳧堂山南鄉世傳章真人燒煉於此有石垣丹竈遺跡

四面山昇仁鄉山無向背面面相對秀翠可挹爲一鄉之勝

東延山縣西北九十里山多崖石木皆樗櫟

羅屏山縣西五十里高峯插雲詳見峯類

大成山縣西南五十里山腰有崖崖多竅石峭厲皴透色白

隱隱如雪文人取爲盆玩

南山縣東三十里橫列如屏上有煉丹臺輿地誌載丁令威
故居即此見古蹟

羊腸山縣東北九十里盤曲崎嶇與瑞昌興國連界中有山

田倚山而居者隨山高下別爲邱壑其巔有二大塘俗曰

雷公塘雷母塘見池塘類

馬跡山縣東北七十里與羊腸毗連山多田壤泉水灌注久

旱不涸村舍環繞別有境界

銀爐山縣西南百里俗傳山有銀石嘗置爐鎔之不成遂廢
馬鞍山縣西一百里形如馬鞍

巖山昇仁鄉山當西北盡處竒石林立有寺在巖間從石門
入名曰石燕其麓有亭立石上旁有泉甚冽

天河山縣西北山巔有池廣數畝產荷花甚盛無着和尚結
庵於此覆以荷葉曰荷花庵

覆鐘山縣東三十里平疇中突出孤巒巖鎮如覆地之鐘

觀風山縣東三十里山橫亘數里勢若逆挽上流其巔平端
豁露可以坐觀一邑之風故名或曰冠床山以其山形高
拱几几如冠然俗傳仙人玉棺又名棺山

羊角山縣南一里溪山窈窕攬一邑全勝盛宗齡著有詩稿

青牛峽縣東四十里峽最竒險夾溪懸崖絕壁道經其下俗
名牛頭峽

峯

吳王峯縣東南瓜源口其峯高聳天矯如龍鄉人呼爲嘯天
龍張口呀呀吞吐雲日變幻不測世傳吳王墓葬此

大峯縣東三十里羣山環拱孤峯岌立其巔常有雲覆

桃花峯縣東三十里丁令威脩煉處桃花歷亂芬菲如錦

危濤峯長墅洞內峯如怒濤疊湧澎湃浴天奪人心目靖公
最愛此峯

撥雲峯在九宮山朱兩崖有詩曰入夜仰天天氣清撥雲峯
頭斜月明明朝山下人傳說昨夜滿天雷雨鳴足見高山
與平壤頓異如此

五老峯縣東南五峯聳峙如老丈

柳峯縣西南孤峯挺翠卓立如筆秀絕江表爲一邑文明之

望峯巔平淨廣可畝許四時登眺萬狀畢呈唐柳渾宋白

玉蟾皆流連其上

羅峯太平山麓突聳危峯矯插雲端登眺其上萬象森然羅

列襟帶間爲西北勝觀自南望羅峯自北望柳峯秀出人

寰邑中山可遠見者唯此二峯最佳

楊峯南鄉南山山腰有蕉巖綠陰延翠里許人行其中如遊

碧天峯巔有數石小者五六尺大者丈餘墨色扣之有聲

皆可坐

雲旗峯太平山極高亭陰雲翠縹緲蕩人心目揭曼碩有詩

七峯年豐鄉南嶠有七峯森出幽翠可掬邑秀才張居山日

吟咏其下

枇杷峯縣東形勝最佳尹恕有詩見藝文

崖

獅崖縣東渡灘下崖石竒怪若狻猊蹲踞之狀上有閣羅一

邑山水之勝以恣遊眺曲磴危闌雲煙萬態風帆上下碧

流黛浮睥睨無垠每當晚照諸山翠映襟帶意境尤佳學

人韻士題詠獨盛

仙崖在瓜源鳳陽山右有石笋獨立丈許左有石浮圖累級

而上中爲仙閣世傳丁仙煉丹處今廢少左又有仙床長

八尺廣殺之斜覆以石平展可卧又下有崖如龕構殿其

間龕後有石竇前有眠龍坡危臨絕壑不可下眎

武陵崖居長墅叢雲瓜源之額若扇紐然其巔有石劈縫數

寸望之隱隱有籬落村舍不可入如武陵桃源故名崖陰
曰洪坪平廣有荒田八百畝阡陌尚存

馬頸崖長墅原崖盤險隘下湧急流康熙間邑人余文梓敗
走白頭兵於此曰擊賊崖見古蹟

鋸崖長樂鄉山浮如鋸齒時或流雲往復其間若受鋸然有
詩曰石齒何齟齬微雲時吐吞霏霏玉屑下吹作桃花源

噴雪崖九宮山瀑布懸流如雪噴激千仞駭目蕩心相傳陶
姚二真人飛昇其上

核桃崖南鄉廉村溪中橫亘下流水自石隙出若關紐然其
崖凹凸皺透奇潔可玩

仙人崖巖陽山內有崖如仙人獨立崖旁有石櫝方正腰露
一痕若上下函者其櫝橫置石柱上若柄擎然相傳櫝中

有仙經

鷹崖長墅洞口虛懸山腰下瞰曲澗如張翅欲飛狀

墨斗崖縣東四十里深黑色削立江干

朱崖長樂鄉南山頂崖色如朱不染霜雪蓋純陽地也

木柿崖長樂鄉一在龍船山石一在長墅源其崖紛披參差

層叠若木柿然柿音費削下木片也

嶺

掛書嶺縣北五里世傳逸人牧黃牛其上掛書於角吟哦自

適俗呼黃牯嶺

明月嶺縣治北里許有嶺團圓如月夷坦可坐百人游眺其

上能攬一邑之勝

蠶嶺縣西八十里衆山蠶叢綿匝周織煙雲萬狀

盤嶺特起於中衆山盤結其外

新開嶺縣南六十里下臨溪潭怪石碁列中有獨石如帽曰紗帽舊志鄒善陽開鑿建亭其上

鏡堂嶺縣西七十里其上有亭列岫環向

黃土嶺縣北百二十里山色黃有瀑布懸垂如長虹嶺腰有洞深邃不測

碎石嶺縣西三十里山多碎石

磨盤嶺縣東三十里崖石環結周旋如磨

穀樹嶺縣南百里載舊志

將鼓嶺縣南磨源隴相傳盧將軍擊鼓處

望巾嶺縣東南巾石之陰相傳吳彩鸞駐此望丁仙遺巾夫嘯而去

岡

矛岡昇仁鄉中村岡石多奇有石屋覆路人行其下旁有石潭潭深碧隱隱見其中有門櫺又石筆石梁石笋怪異陸離又一石削立如甌甌有口多藏猿猴又有石如戈矛者故名

紫鹿岡縣東三十里與青牛洞相峙世傳仙人騎紫鹿訪丁令威於此見古蹟

白鶴岡縣南二十里仙女丁秀英跨鶴上昇處

白鹿岡縣南二十里晉時有白鹿遊其上馴擾不去民以獻

瑞

飲馬岡縣西六十里岳將軍飲馬處見古蹟

七里岡縣西南五十里僻徑深邃翠嵐可掬

三仙岡太平山腰即三仙坡相傳三仙集此揭文安詩曰坡上春雲白坡前瑤草長仙人三十指曾此采幽香梧桐岡在太平山揭曼碩有詩

赤岡縣西七十里以色名有風洞投之以石洞洞然鳴賓陽岡縣東三十里有楮頤亭筠雪樓諸勝見古蹟

〔巖〕

魯溪巖縣東北昇仁鄉巖口有石如闕門距丈餘有竇可二三人並入下趨三五級泉漚如沼深尺許涉水以進高廣如屋堂可容百人鬱石盤錯如幡旗華蓋飄繞其上蒼碧間雜蔚如繪畫左折有石如臺上有像如龍如佛又有縣石如鐘扣之鏗然右一石斜被上有町畦如田蓄水不洩遊者然火深入循委巷紆行又有田十二區石碁石孟石

曰諸象再前則有龍潭淵洞深黝泉水上湧不可復入邑人余長祚有記

治粧巖縣西北年豐鄉相傳仙女治粧於此其巖覆石如屋聯以楹簷爲寺前有石人相望曰石人嶺

石燕巖澧溪二里許怪石盤空由前門入虛明洞徹玉壁晶瑩乳石懸垂竒詭異狀紆折深通乃從後竇出遂達巖頂遊者留題甚富李太史應熙熊太史爲霖諸人並有詩見藝文

冰文巖劍谷象坡上巖門從東入三折而西出有冰裂文深八仞皆明潔可奕可飲中有雪簾又有石如魚如球如耳狀

大巖縣東南二十五里有寺容數百人前後壁立鄉人避兵

其處

佛巖柳山之陰巖門有大柱中立岐爲二戶分入明潔可坐
卧唐柳惟深遊息處旁有龍巖泉自巖出清鑿毛髮

疊蓮巖南鄉橫堂山崖石磊疊如蓮瓣濃郁紛披可愛中多
曲室漏明鄉人嘗避亂於此旁有孝烈坡見古蹟

芳谷巖南鄉北山下初入巖口稍隘折進有小房循徑入得
榻八尺許又紆行數十步至堂堂廣二丈高數倍堂陰有
旁竇由竇口出得小房又折入巷巷盡有梯援梯登石崖
可遠望復入有竈有室不可窮詰其巖靈曲深邃凡數里
皆自下登級而上石纍纍覆嵌空漏明遊者不待執炬而
諸勝自獻云

雷巖縣南八十里蛤洞內巖上下懸壁斷絕探險者攀躋以
入見其旁有石浴盆又有男女足跡相傳晉時母子得仙
於此今太平寺所祀仙母是也舊志載巖中嘗有雷興旱
禱輒應洞險不可入

仙人巖縣東長墅源之陰曲磴盤雲懸崖覆之下瞰清溪暑
月過此輒有寒意

碧虬巖南鄉大堯山腰俗呼大堯洞由石室入上巖敞明袤
延里許又從一小石隙度下巖如房室可棲時復漏明有
小溪可汲能容數百人昔避亂者磨石尚存崖分二層如
樓屋然

團巖南鄉南山腰深廣可容千人其下空洞不測
羅巖在羅峯之麓初入有大堂垂白蓮堂廣數仞高倍之少
進折右得耳臺有雪壁雲田其田廣六尺長九尺中界數

十層雲瀾簇湧每界高二寸厚得寸之二縈回如縐其間空廣寸許有水瑩瑩然凡數十層工緻勻停雖刻畫不能也復入有樓樓下有橋最深達巷巷盡旁有竇水溢出解衣匍匐入有闕有池復闕洞天其妙不可窮云

紅字巖南鄉青林澗巖內有朱染王善二字經久不變

洞

長墅洞縣東南三十五里長樂鄉由麇嶺入雲關有鷹崖丈人峯靖公崖其崖萬頃風濤最奇者曰危濤峯少進有靖公庵靖公與黃山谷友善時相往復旁有泉甚清甘曰靖公泉庵前有石几可奕其磴循溪鑿徑關險紆折登降以入旁有石刻內多村田澗水灌注不涸

叢雲洞縣東南五十里俗名上洞源以其石如叢雲易今名由仙關沿溪陟磴溪絕石立壁削度橋紆磴以登及石巷夾壁而入又下磴循澗行有左右橋乃至觀音崖崖嵌以閣曰觀音閣崖巔奇峯怪聳其旁有穴如甬可窺脩江閣前有亭由亭旁入皆平磴行半里許曰仰礫峒兩面崖石林立復入有村落田畝別一洞天又有魚巖乳巖凡洞內諸峯如笋如筆如餅如鳥如獸如屏奇與怪幻萬態莫狀東南山水第一觀也其洞危壁封固不通人世不知何時始鑿此石巷乃闢其妙云

瓜源洞縣東南八十里由瓜畬口入源有吳王峯循溪過馬鞍石釣橋有石壁刻字多剝落隔溪有釣叟石若蒼顏垂視狀磴盡為瓜圃乃入村落九十里及合港分東西源由西源至仙崖又入篁山淨明堂又通雪山山西瓜寺由東

源至江公橋讀書臺晒月嶺二源皆深數十里田野繡錯
廬煙相望有絃誦之風獨其源口巉崖峭壁關鎖甚固劈
石鎚險乃得通焉

黃婆洞縣西北鍾鼎山旁入洞有流月池池上有盛留雪卧
榻少進有磊思潭過峽有石室藥臼釀泉泉清甘飲之醺
然欲醉凡數里多異蹟邑人盛謨有記

龍鬚洞縣西三十里路徑蜿蟺中有象牙田鐵釜竹凹長凹
產茶

牛皮洞縣西南六十里曰觀音巖中容大溪溪水伏行不測
巖下人以旱率千工鑿竇通水可灌田數百頃

石羊洞縣西北五十里由劍谷沿溪入洞有村壤溪中有飲
羊池旁伏石羊復入有峭磴關紐曰巴茅田窮其源凡四

十里至太平山

將軍洞縣西二十里雄瞰修水有英毅之狀

河鼓洞縣南七十里硤崖壁立懸瀑數十尺下注深洞轟聲
如鼓俗呼鑼鼓洞洞口有釣磯

青牛洞縣東四十里世傳有青牛往來為令威所乘之牛

果子洞縣西北七十里由山磴折入兩旁古木交翳如偃蓋
石縫蒼根橫出若闔內有石屋石窩可玩山產茶榧洞中
人稱榧子為果子故名古無人居至盛原鐸始闢其荒焉
石佛洞縣東北魯溪山上當窮崖絕壁間嵌空如樓中有怪
石如佛像神鬼羅列異狀森出雖巧匠莫能施也有石叩
之如鼓音

鷺鷥洞縣西南五十里洞陰有羅婆寨基礎尚存

陶姚洞九宮山側見古蹟

五泉洞昇仁鄉洞內五泉并出各爲源流灌田頗多

宓羲洞上北山興國接壤處縣流千仞崩飛如雪久旱水涸

則作鏗鏘金石仙佩飄飄之音蓋縣北佳境也

按武寧奇勝多在巖洞其奧妙奇怪可供遊玩者入巖

類其有闢幽鑿險中或衍爲卬野隱隱有桃源洞意者

並入洞類

石

仙人石縣東北三里旁有沼名青龍沼石上有二足印石黑

而跡微白昔有仙人至此觀沼內神龍出沒

龍潭石縣西一里怪石瞰潭清波碧影諸山環映浮黛隱翠

爲文人遊玩之所吟咏甚富石上篆刻龍潭二大字旁註

曲江謝存理宋建放生亭又有水月亭今廢

葫蘆石太平山宮旁石有葫蘆跡見揭曼碩詩

虎跡石豹齒石並在太平宮前大篁坡

文石縣東渡洲渚間多麗石五色間出大粒小粒磊磊可愛

文人選其尤者注清水養盆爲几上異玩有書生得美石

琢爲硯絕勝端溪

破石縣東六十里世傳許遜捕蛟試劍於此見古蹟

石室黃婆洞峽內有室長廣如厨可藏書相傳仙人藏經處

又洞口流月池旁有石張口納以碑記啣之若舌然

浴盆太平山雲關外一石盆天然如鑿澗水自注不溢爲章

真人沐浴處體跡朗存

石船太平山前數里有菖蒲山皴瘦如殼巔橫石船巨可容

百人首尾昂空相傳章道洪所泛
龍船石縣東長樂鄉叢雲洞口高橫山上又南鄉有石船平
展可坐百人

試劍石九宮山宋謝疊山有詩鐫其石

鼓石順義鄉有石着山腰如鼓中虛莫測其深投之以石則
簌簌然又有石鐘相峙世傳鐘鼓並設皆仙人遺蹟

積雪石羅峯下有石獨立高廣丈許潔白如雪相傳黃婆聚
雪所成

巾石縣東巾口丁仙遺巾處見古蹟

龍門石太平山腰兩崖峙立如門縣尹鄒應元經此嘆爲奇
絕有詩見藝文

石柱在縣西南二百里俗呼南山神石周廻二百五十步四
面削成如柱

沕石南鄉龜山下溪中有石磊磊皆白色離竒變怪萬態畢
具如鏤繪然

鳳凰石瓜源仙崖絕頂聳立數丈如鳳之欲翔者
獅石長樂鄉西山巔面長野石勢危聳有吞吐雲烟狀

合石縣西貞女盛善才葬後一夕風雨兩石自合見古蹟
靈臺石昇仁鄉崖山有石臺即臺爲寺從石磴裊折而上有

泉濺濺石中出散如飛雪
占雨石叢雲洞口每築堰水浸石半有小雨其年不早

將軍柱縣東三十里南山石峯聳立睥睨重巖
流雲石南鄉織女崖下有斜石壁水縈旋變幻如流白雲然

石坪長樂鄉西山之陽環坪梧桂白石交錯深秋花發落葉

紛飛清香襲人又曰梧桂林見古蹟

四立石球場有石危頓數仞四面壁立絕無依附

按縣北山自寧州黃龍山過九宮太平逶迤數十里聳神童至玉枕山爲縣治其大幹則由太平過楊新山黃土嶺歷瑞昌諸山以達於匡廬縣南自寧州毛竹山過朱家山踰武陵崖以達於雲居此南北山大勢也其餘諸山又別爲支分側出舊志載山之脉絡混亂不合如鍾鼎在太平之麓乃云自九宮過鍾鼎太平一誤也伊山五鳳皆自太平分七里山又分於伊山不可越五鳳乃云西界分山爲伊山越七里又越五鳳二誤也武陵山在東南混入東北與了髻連三誤也大孤不自銀鑪分四誤也其他舛謬尤多今悉汰去

水

修水源出寧州黃龍山流經州治至縣南過建昌達彭蠡以其修遠故名郭璞志曰有水名修有魚名儵天下大亂此地無憂酈氏水經注曰循水出艾縣而東北逕豫章寧縣故西安也晉太康元年更從今名循水又東北逕永循縣漢靈帝中平二年立循水又東北注於贛其水總納十川同湊一瀆俱注於彭蠡也按漢地理志豫章艾縣有修水東北入湖又晉書太康有永修縣此註作循譌也永修以修水名蓋自漢中平已立所謂更從今者豫寧縣名也據云東北逕豫寧縣又東北逕永修則豫寧當在寧州武寧之間永修在武寧建昌之間矣修水清潔灘潭明碧可鑒唐王周詩曰細草濃藍潑輕煙足練拖邑人盛暮有修水

附通志修水源流

寧州修水出黃龍山山與湖廣通城縣連界水行修遠故曰

修江郭璞志曰有水名修有魚名儵天下大亂此地無憂

受杏苑水出幕阜山亦連通城百葛水出大湖山武寧鄉水出大瀉山連湖廣瀏陽興

國州及新昌界東津水出州南東津山洪水灘水灌毛嶺山下田三十頃鹿源水腰

帶水出鳳山過州城東受安平水出毛竹山鶴源水出湖廣連界九官山及

泰安鄉斂口梁溪諸水東北流經武寧縣南合義溪水官

塘源港亦名腰帶水出神童山魯溪水南受清江出銀山長田出牛皮洞楊

浦石鑊俱出嚴山鳳口出三卷山北受茶培出伊山東北受陂田出昇

仁鄉簪溪出了髻山東受磧溪出雙嶠山諸港水東北流靖安城西雙

溪水出毛竹山州與寧州界一支歷南源諸都東北流達於追里

一支歷中下噪坑達於桐城合流受桃源水出九湖南流石掌

灘水東南流抵奉新與馮水合出邑南龍溪水出藥山華林

水出華林山縈紆西來入之而皆會於修水安義之龍江水兆

州水東陽新徑水合於邑東為三合水并皎源出寶山白武

斛源二水俱出靖安界諸水東流合於修水又東北流經建昌縣

南合檀陂水雲居山之楓林西江白沙雲門諸水東流入

之又合珠溪水一名青樹灣漢元和間出明月珠大如鷄

子即此達於章江滙於彭蠡星子六溪十八湖之水入之

德安博陽川東南流入之又北為女兒港德化水入之港

口白沙水磧初日照之燦然金色曰金沙洲明師殲陳友

諒之卒於洲上是為西鄱陽湖

按贛水盱水修水合注彭蠡以達於江蓋西江三大水

也修水清潔與贛水會處黃碧分流清濁犁然武寧為
 修水正流奉新靖安安義皆別流支水會合修水也至
 武寧水道位次通志所載多不合如官塘源港附縣西
 北在茶陂之下魯溪居縣東北七十里至陂田入修水
 清江在縣西南八十里磧溪居縣東北在陂田箬溪之
 上長田楊浦又在官塘港上據水所經當云東北流南
 受清江長田北受茶陂經武寧縣東受磧溪東北受陂
 田箬溪諸水姑附於此以待釐正

東津水縣西北源出寧州東津山流入修水

石岐水縣西百里源出寧州黃龍山入修水

洋湖水縣西九十里源出寧州桃花坳入修水

清江水縣西南八十里源出銀爐山入修水

木潭水縣西北源出南嶠石城諸山入修水

澧溪水縣西北六十里源出果子洞大源洞入修水

長田水縣西南五十里源出牛皮洞入修水

白石水縣西南四十里源出小流山斜港入修水

修醴水縣西四十里源出大孤山入修水

按大孤山小流與大堯山斜港俱會廉村經羅溪注白
 石港入修水舊志既以白石港源出小流斜港又云修
 醴水源出大孤山稽縣西南四十里舍白石別無有港
 何得分為二水若以修醴出大孤別有水名不應云縣
 西四十里今姑並錄以待考正

下弦水縣西北四十里源出太平山入修水

鄧埠水縣西南三十里源出楊港入修水

西渡水縣西北七里源出伊山入修水

楊浦水縣南二里源出朱家山巖陽山入修水

鶴溪水舊志作腰帶水今易縣治南三十步自官塘源由西北入城歷

卧象冠蓋看鶴三橋流入修水

東溪水舊志作磧溪水誤縣東門外源出雙嶠山由北逶迤而南遶

東門循城而西又南入修水今已失其故道詳見水利志

鳳口水縣東南七里源出石規三卷山通志誤載縣北

羅步水縣東北二十里源出南臯磧溪合為雙港流入修水

長沙水縣東南二十里源出南冲洞入修水

曉港渚水縣東北三十里源出雙溪魯溪清溪諸山水合陂

田水入修水

大橋灣水縣東北三十五里源出社林石鏡入修水

櫛橋水縣東南四十里源出西山入修水

蜈蚣渚水縣東五十里源出長墅原入修水

中潢水縣東南五十里源出叢雲洞入修水

箬溪水縣東北六十里源出丫髻山入修水

灰埠水縣東北七十里源出磨刀嶺入修水

官田水縣東南七十五里源出瓜源入修水

已上水俱與修水會者舊志混載諸港今訂入水類其有

港在邨落舊志已登者附入溪類

中村水源出天尊山流至興國州龍港

按武寧諸水唯昇仁鄉中村之水北流興國州龍港不

入修水故附見於此

溪

魯溪縣北七十里源出段坪相傳魯真人修煉其上

義溪縣西百里源出西港昔有周姓者七世同居故名

枯槎溪太平山宮前有荒洲若槎春水漲則泛下雲關揭曼

碩有詩

清溪昇仁鄉水清潔可愛月映如鏡

梧榕溪自神童山出周天驥讀書時有梧榕落晚溪句故名

羅溪縣南六十里有象眼石梭石風蕩其際水石相織如羅

文可玩

瓶溪南鄉瓶原其溪清流瀉注如引瓶然瓶水直趨河鼓洞

異響交作相傳為仙人飲酒樂云

迴溪縣東三十里溪水縈回崖石盤折波文縠縐可以流觴

斜港源出南鄉大堯山有織女崖崖臨溪溪中有浣綵盆盆

下有繅繭釜水縈回擾宕如繅繅然旁懸大小銀缸若相

照者又有流雲石如白雲流轉皆奇勝

白石港澄芳山口中多白石磊磊如星

官塘源港源出神童山自西北入城既決而復詳見水利志

煙港縣西北源出石羊洞羅屏洞春漲則烟水迷離萬狀

龍須港源出鐵矢富象牙田與煙港合流至下弦

茶陂港源出伊洞由山口又會神童山水至羅墩西渡

石鑊港源出嚴陽至楊浦與龍潭相望映帶自佳

纓田港源出太平山至澧溪水文披拂如縈纓然

得月港源出長墅至蜈蚣渚林石綺麗得月最幽

潭

龍潭縣西一里潭水幽碧上有盤石立小浮圖見古蹟

仙人潭縣西南六十里深不可測潭上有壁壁上有二仙人蹟

石竈潭南鄉半山下潭底有大石竈藏魚漁者從石穴屈曲入竈驅魚從竈門出其門徑圍二尺如圭竈直上其穴僅可容一人入

節婦潭縣南一里相傳戴復古妻投水處

龍腹潭縣東六十五里其水澄湛十餘里碧淨可愛

大陂潭縣東三十里余弼有詩曰大陂潭水碧如苔今古英雄見幾回天地更誰長作主好懷須向此中開

石鼓潭縣東二十五里有石如鼓懸修水上潭最深藏龜

孟姥潭太平山龍門旁有石覆其上水自崖縣流如瀑布注潭深碧不測

磊思潭黃婆洞內石龕覆其上清碧可浴旁有石刻

菖蒲潭縣東四十里長墅原潭有三坎菖蒲環之清香襲人

相傳靖公品茶於此又名其地為茶瓶澗

灘

縣東一里曰東渡灘五里曰楊柳灘七里曰鳳口灘十里曰

鹿角灘岐石嶙峋見韓子蒼詩又有豬頭灘蒼石昂鳴二

十里曰徐灘二十五里曰西灘灘下有石鼓潭三十里曰

車頭灘石如轆轤又有病灘三十五里曰瀦石曲水石縈

回渦蕩四十里曰羊腸灘紆折如羊腸五十里曰涇灘六

十里曰鷺鷥灘水石潔白又有松樹演破石潭八十里曰

三碕灘怪石橫布水中俗呼為和尚石勢最險急凡十四灘

縣西二里曰張家灘十里曰梅瀾灘水瀾簇簇如梅花二十

里曰秤勾灘環曲如勾又曰惡瀨灘三十里曰抖擻灘水勢抖擻三十五里曰新灘唐景雲中遷新縣處四十里曰蕪灘四十五里曰牛鼓灘水鳴如鼓五十里曰蘆陂灘五十五里曰渠梁灘又有仙人潭孔沸灘激浪如沸七十里曰高灘又曰澧溪灘八十里曰桃林灘九十里曰影灘又有三斗灘新開灘百里曰瘦狗灘多瘦石又曰斜石灘十

泉

分水泉縣東北七十里舊志載其水西流七十里至湖廣興國州入陽新河

溫泉南鄉大堯山斜港內泉有三釜初釜長而狹水自縱橫石孔出氣蒸如霧銳熱不可探指第二釜圓周四尺許第

三釜稍廣其氣少殺而深處亦難注手二三釜之下有石盆可坐五六月人濯足凡三釜皆澄潔其水澣衣垢盡煮雞卵能熟土人往往搗雞彘於初釜旁多積毛雖盛暑無穢氣又年豐鄉道院有溫泉如沸

石鑊泉縣南四十里見古蹟

甘泉縣東昇仁鄉昔許旌陽捕蛟其徒甘戰插劍於此湧泉甚甘又曰卓劍泉見古蹟

釀泉鍾鼎山旁黃婆釀酒處人飲其泉輒有醉意上泉縣東北六十里利灌溉

苦竹泉縣北九十里

黃土嶺泉流為瀑布飛雪濺珠爛然異觀

魯溪泉源出巖內龍潭淵深不測至巖口匯為沼入溪

虎泡泉太平山相傳仙人鞭虎虎俯伏不能起溢而為泉一名鹿跑泉有揭曼碩詩見藝文

沆瀣泉長樂鄉明山龍樓寺旁

石鍋泉長樂鄉石壁山頭山高千尺壁峭崖懸崖下有石鍋徑三尺許水自鍋中沸湧而出灌田數百畝極旱不涸

虎爪泉在下南鄉有石痕如虎爪泉出其中味甚甘

湧天泉安樂鄉有泉天晦則水上湧其旁有寺亦曰湧天

井

縣井在縣治左儀門外久廢

分司井縣東舊按察分司門外今存

司前井縣東舊布政分司側石床有咸淳癸酉清明日建今廢

泮水井縣東舊為儒學今廢

孝子井縣西今儒學戟門東明教諭朱璣鑿以養親名孝子

泉水極清潔

甘羅井縣西南隅見古蹟

貞公井柳山柳渾所鑿故從其謚以名

下清井縣東舊朝元宮內

靖公井長樂鄉靖公庵前見古蹟

廉村井南鄉廉村葉進士所鑿

寒泉井縣東花園旁泉芳冽獨異邑進士潘儻井之建樓覆

焉樓中央虛數武鹿盧引泉而上以饗客賦詩為樂

龍井太平宮左龜山前見揭曼碩詩

丹井鍾鼎山呂岳煉丹處見古蹟

羅溪井縣南六十里盛夏如冰飲之寒栗鄉人汲以蓄物
北井縣北張鎮臣鑿

池沼

流月池縣西北黃婆洞口有池如偃月水自崖注流晶光潌
蕩盛鏡題三大字鐫於旁趙孝廉由儀有詩見藝文

芙蓉池鄭子通草堂之池芙蓉甚盛時有鴛鴦照水黃山谷
過訪詩曰鴛鴦終日愛水鏡菡萏晚風凋舞衣

飲羊池縣西北劍谷洞內池廣二三十圍受水數百斛四時
清碧不涸周有白痕一線環之池旁石皆怪麗昔傳仙人
牧羊引飲於池其羊化為石蹲伏池口

東湖塘縣西二十里塘長二里澄碧可泛舟月白風清綺波
徐興宛然有東湖之勝

大蕪塘南鄉大孤山上周數十畝經冬不涸

殷鄔塘縣西年豐鄉塘長二里廣數丈相傳古有殷鄔二大
族居此沉陷為塘或曰鸚鵡塘

雷塘羊腸山頂有二塘俗呼為公母塘其母塘尤廣水深碧
不涸有魚大者五六尺長時或出遊人不敢取

青龍沼縣東三里可六畝許世傳嘗有青龍出沒於沼其旁
石上有二足跡為仙人觀龍處

丹沼在桃花峯世傳丁令威所鑿

午河縣東賓陽岡余弼鑿長竟其岡余長祚有詩見藝文

洲浦

洲浦
洲縣南夾東渡節婦潭中浮一洲長里許春漲秋月最佳
其地如白鷺形勝可闢堂閣齋舍為修水大觀

澆洲縣東十里清曠可眺

團洲縣西七十里洲團如月春泛自妍

費家洲縣南十二里洲多美石

石燕洲縣西北七十里燕巖前洲甚廣沃

楊浦縣西南二里岸多楊柳晚照最佳

清江浦縣西南八十里舊名義浦浦臨修水平遠清曠兩岸

相對溪山秀媚日夕幻變夏雲秋月尤佳

孟家灣縣東二里相傳古有店市直達鶴橋

饒灣縣西十五里修水縈繞環抱形勢絕佳

按山水文章邑乘所重山海宣竒柳州發幽爲古今殊

觀豫寧巖洞怪幻泉石清麗洪州而北一異境也然往

往伏深叢窮谷中秘匿如處子非好奇而力探者其美

掩抑難出以故遊屐罕到紀載闕畧又唐宋志乘燬於

元亂故家大族記述遺文蕩然無存至成化間始復修

志草草煨燼之餘儉於蒐羅唯是耳目所習編爲成書

歷代相沿不以爲病駸駸漸滅以至於今莫可尋究茲

雖稍稍收拾聞見所窮不無遺恨凡山水有形勝可採

及見於詩文者畧爲潤色以資遊覽其靈區與竇扁鑰

未發者尚有待於後之文人韵士云

形勝

豫寧多峻嶺深澗

職方乘

修江之清溫泉之靈雲洞花塢竹屋草牕雞犬絃頌之聲相

聞於青嵐白瀑中數百里不絕

唐呂溫海昏集序

大江以西山水之秀甲天下

宋黃庭堅記

武寧最山川勝處西北為九勝幕阜九宮綿亘二山秀出雲

表蓋吳楚相入處也

宋楊恢玉清宮記

環武城皆山蒼崖翠壑古澗生風峭壁層嵐泉飛瀑布

宋白玉蟾

湧翠亭記

翼然如舞天之鶴婉然如入天之龍者柳山也窈然如霞姬

之波湛然如湘娥之穀者修江也

湧翠亭記

柳山為豫章巨鎮卓然崛起萬山間其端重類君子其秀雅

類學士大夫其幽閒靚深類隱者其萃律巉絕類奇傑特立之士 宋章鑑柳公祠記

陸有劍閣列棧之雄水有玉峽諸灘之險 武寧志

武寧為隆興西南壯邑山刻而水駛 元范梈學記

武寧山峻水清為南郡奧區 明楊廉縣志序

四山蒼翠環拱秀溢雲端 馮琦序

武寧為縣僻在萬山中當修江上游水泉灌溉之利峯巒岑

鬱之美亦望縣也 陸深序

鬱為柳峯衍為修江丹崖翠壁綠水紅泉蓋神麗之奧區華

腴之雋地 陳璉序

諸峯羅列環拱而獻秀佳氣鬱蒸其萃於是乎 邵

王枕伊山峙其陰白崖柳峯當其陽天馬金雞羅子



列左右俯視修江委蛇縈帶四時雲蒸霏靄喬變無端 樓記

豫寧山水秀絕鍾於人者多秀拔自喜之氣 黃一鵬記

修江寧望也江何以修名江自寧入於鄱湖凡七百里其修

委而遠也或曰江源修潔飲者類之故多賢而可錄也 費宏

修江先賢錄序

武寧盡山谷為依窳砢斗峭厓陰盤曲泉漬徽篁松吟颯颯

往往有仙人羽客隱君子流連其地丹竈鼎盃塵几碁砑

諸遺跡 馮其世序

北彌玉枕西接九宮南望柳山東眺吳峯足以盡一邑之勝

概湯民貞樓記

修水紆縈七百里山與衍而秘喬巖洞尤怪絕 修水草序